

November 2018

SKANDINAWIË NADERE BESONDERHEDE 13 – 26/28 Junie 2019

Opsie A (sonder Noordkaap)

Prys: R64 220 plus lughawebelasting, footjies en reisversekering (sien NIE INGESLUIT BY DIE TOERPRYS NIE)

- Vlieg met **Qatar Airways Johannesburg – Doha – Helsinki** op **13 Junie** vir aankoms op **14 Junie**
- Reis per luukse bus deur Skandinawië en besoek die hoofstede van Finland, Swede, Noorweë en Denemarke en van die mooiste plekke in Noorweë
- Asemrowende treinrit van Flam na Myrdal en terug in Noorweë
- Verskeie vaarte op van die mooiste fjorde
- Besoek 'n glester en gletsermuseum
- Twee oornagvaarte met luukse veerbote
- 'n Uiters gewilde toer met talle verrassings en met die klem op natuurprag
- Twee uitgebreide etes daaglik
- Vlieg op **25 Junie** met **Qatar: Kopenhagen – Doha – Johannesburg** vir aankoms op **26 Junie**

Opsie B (met Noordkaap)

Prys: R83 740 plus lughawebelasting, footjies en reisversekering (sien NIE INGESLUIT BY DIE TOERPRYS NIE)

- Soos Opsie A, plus:
- Retroervlug Oslo na Alta
- Oornag in Alta
- Oornag by Honnigsvag en besoek aan Noordkaap
- Besoek buitelug-museum met rotstekeninge en 'n Lap-kamp
- Vlieg op **27 Junie** met **Qatar: Kopenhagen – Doha – Johannesburg** vir aankoms op **28 Junie**

NIE INGESLUIT BY DIE TOERPRYS NIE

- Lughawebelasting/brandstofheffing: **± R 5 000**
- Footjies vir gidse, busbestuurders en hotelpersoneel: **R1 440**
U betaal dit vooraf in Suid-Afrika sodat u nie u sakgeld daarvoor hoef te gebruik nie
- Verkryging van paspoorte en visums. U benodig 'n Noorse visum en moet self in Pretoria of Kaapstad daarvoor aansoek doen. 'n Noorse visum kos ± R1 300. Ons sal al die besonderhede oor visums betyds vir u stuur
- Reisversekering, waaroor u later volledige besonderhede sal kry
- Middagetes in Skandinawië. Die hotelle bied soggens en saans uitgebreide maaltye aan. Smiddae is ons met die bus onderweg
- Enkelkamer/kajuit-bybetaling: Opsie A: ± R11 700 waarvan ongeveer R4 500 vir die twee nagte op die veerbote is. Opsie B: ± R13 500 waarvan ongeveer R4 500 vir die twee nagte op die veerbote is. Dit sal dus help indien persone wat enkel-akkommodasie verlang, kajuite op die veerbote vir die twee nagte deel. (Die bybetaling vir enkelkamers in die hotelle sal dus ongeveer R7 200 vir opsie A en R9 000 vir opsie B uitwerk indien toerlede op die veerbote deel)
- Binnelandse aansluitingsvlugte: Reël self of deur ons
- Vervoer na en van Johannesburg en ander binnelandse lughawens
- Hantering van bagasie by hotelle in Skandinawië is opsioneel: ongeveer R2 000
- Persoonlike uitgawes op die toer, bv u eie eet- en drinkgoed, telefoonoproep ens

OPSIONELE TOERE:

Skandinawië

Feitlik alle uitstappies en besoeke gedurende die toer is by die toerprys ingesluit. Begroot ongeveer R1 200 indien u die volgende sou wil doen:

- Met 'n elektriese karretjie na 'n gletser wil ry (dit is 'n stywe opdraande stap, maar 'n heerlike buitelig-ervaring)
- Met 'n ski-simuleerder in Oslo wil ervaar hoe dit voel om met 'n duiselingwekkende snelheid teen 'n berg af te ski!

BEREKENING VAN TOERPRYS

Die toerprys is onderhewig aan 'n minimum van 15 ingeskrewe toerlede en is uitgewerk per persoon wat deel. Soos met enige ander toer is hierdie toer ook onderhewig aan faktore buite ons beheer soos wisselkoersveranderinge, lughawebelasting en brandstofpryse wat die toerprys en toerdatum kan beïnvloed.

Dit was nog altyd ons beleid om nie ligtelik 'n toerprys te verhoog nadat dit vasgestel is nie. Ons is egter genoodsaak om die toerprys aan te pas indien die wisselkoers teenoor die betrokke buitelandse geldeenheid aansienlik sou verander.

DEPOSITO EN INSKRYWING

'n Deposito van **R6 000** per persoon is met inskrywing betaalbaar. Volledige besonderhede ivm die aankope van vliegkaartjies, die uitneem van visums, reisversekering, ens word vroegetydig per omsendbrief aan toerlede gestuur.

'n Tjek uitgemaak aan **CHRISTINE VAN WYK-TOERE**, afskrif van 'n bankdeposito-strokie* of bewys van elektroniese oorbetalings (EFT) moet saam met die Inskrywings- en Vrywaringvorme aan ons gestuur word.

**Voeg die ekstra heffing, soos deur u eie bank bepaal, by kontant-inbetalings.*

Bankbesonderhede:

Standard Bank Pretoria-Noord

Tjekrekening ("Current account"): **410 722 782**

Takkode: **01 04 45 of 05 10 01**

Verwysing op betalings: **U voorletters en van**

BELANGRIK

Ons kan ongelukkig vir niemand plek hou nie. 'n Inskrywing is eers geldig wanneer ons die **deposito tesame** met die **Inskrywingsvorm** en **getekende Vrywaring van elke toerlid** ontvang het. Die Inskrywingsvorm moet volledig voltooi word.

Wanneer ons u Inskrywingsvorm, getekende Vrywaring en deposito ontvang, stuur ons aan u Omsendbrief 1 met al die besonderhede ivm klere wat u moet saamneem, ens. Daarna ontvang u gereeld nog omsendbriewe met nuus en inligting. **Dui enige kontakbesonderhede (bv adres of telefoonnommers) wat verander, duidelik op u briefwisseling met ons aan.**

TERUGBETALING, INDIEN VAN TOEPASSING

Aangesien die toergeld lank vooruit aan ons oorsese agente betaal moet word, is die volgende van toepassing:

- Indien toerlede genoodsaak is om vóór **13 Februarie 2019** te kanselleer, kry hulle by **skriftelike** kansellasie **R5 500** van die deposito terug.
- Indien toerlede genoodsaak is om tussen **13 Februarie en 13 Maart 2019** te kanselleer, kry hulle by **skriftelike** kansellasie **R5 000** van die deposito terug.
- **Ná 13 Maart 2019** word **geen** deposito's terugbetaal nie. Sien KANSELLASIE.
- Indien 'n toerlid **vanweë siekte** genoodsaak is om te kanselleer voor die finale toerprys betaal is, dws voor **13 Maart 2019**, word die **volle deposito minus R500** administratiewe koste by voorlegging van 'n doktersertifikaat terugbetaal sodra ons u bankbesonderhede ontvang. In die geval van kansellasie as gevolg van siekte ná betaling van die volle toerprys, geld u versekeringsdekking (Sien KANSELLASIE).

KANSELLASIE

Sodra die nodige reisversekeringspolis wat vir kansellasiedekking voorsiening maak uitgeneem is, kan u, indien u moet kanselleer, u geld van die versekeringsmaatskappy terugeis. Die rede vir kansellasie moet kragtens die polis aanvaarbaar wees. Volledige besonderhede oor reisversekering sal aan almal wat inskryf gestuur word. Toerlede het die keuse om hul versekering deur ons uit te neem of dit privaat te doen en dan net die reisversekeringsdokumente as bewys te verskaf.

FINALE BETALING

Die volle toerprys plus alle ander geld (lughawebelasting, visums, footjies, versekering ens) moet teen 13 Maart 2019, of so gou moontlik daarna indien u later inskryf, betaal word. Die toerprys word aan *Christine van Wyk-Toere* betaal – nie per kredietkaart nie, maar deur tjeks te pos of tjekdeponerings/internetoerplasings te maak.

AGTERBLY NÁ DIE TOER (WEGBREKERS)

Dit is moontlik om ná afloop van die toer op u eie verder te reis. Skakel ons kantoor vir meer inligting.

VLIEGKAARTJIES EN KONSESSIEHOUERS

U vlieg met Qatar Airways. Al die groepkaartjies word deur **Benita Venter** van **Fernweh Travel** uitgereik. Konsessiehouers of persone wat om een of ander rede nie die groepvlug wil gebruik nie, kan die vlugprys van die toerprys aftrek. Skakel met die kantoor vir meer besonderhede.

ENKEL-AKKOMMODASIE

Toerlede kan enkel-akkommodasie kry, mits hulle bereid is om 'n bedrag by te betaal. U spaar baie indien u 'n kajuit-/kamermaat het. Probeer gerus 'n kennis oorreed om saam te gaan. Ons probeer om vir enkellopende toerlede geskikte kamermaats te vind, **maar staan onder geen verpligting om dit te doen nie.**

PASPOORTE (BAIE DRINGEND!)

Maak seker dat u paspoort vir minstens 3 maande ná afloop van die toer nog geldig is. Daar moet ook genoeg skoon bladsye in u paspoort wees vir die visum(s) en doeanestempels wat u benodig.

LW: Doen dadelik aansoek vir 'n nuwe paspoort indien dit verval het. Kinders onder 18 jaar benodig 'n "Unabridged"-geboortesertifikaat. Dit neem ongeveer drie maande om só 'n sertifikaat van die Departement van Binnelandse Sake te bekom. (Dit is 'n geboortesertifikaat waarop albei ouers se volle name en ID-nommers verskyn.)

TOERFIKSHEID

Voornemende toerlede moet besef dat hulle deel vorm van 'n groep en dat hulle fisieke en emosionele omstandighede op geen manier die groep se belange mag benadeel nie. Mense wat byvoorbeeld moeilik beweeg, kan die groep vertraag. Toerlede kan nie verwag dat medetoerlede hulle moet help of bystaan nie.

'n Basiese riglyn vir toerfiksheid is dat 'n mens onafhanklik in-en-uit 'n toerbus moet kan klim, onafhanklik 'n stel trappe kan klim en ongeveer 1 km op jou eie moet kan stap.

Persone wat deurentyd hulp of bystand nodig het, MOET iemand saamneem wat na hulle kan omsien.

Ons sien daarna uit om weer hierdie besondere toer aan 'n gelukkige groep toerlede te bied.